

Aquilegiensis per Nobilem Virum Albertum, Comitem Goritiæ, apud Villam-novam sub Rosacio in aurora diei, dum erat in lecto: & nudipes ductus fuit Goritiam in uno Roncino anno Domini M. CC. LXVII. die Mercurii XII. exeunte Julio; nullo alio capto præter Johannem Lucen. & paucis aliis vulneratis.

Tunc subsequenter die IV. intrante Augusto instituti fuerunt in Foro-Julio Capitanei, D. Albertus Vicedominus Episcopus Concordiensis, & D. Asquinus de Varmo.

Redemptio Gregorii Patriarchæ.

Gregorius Patriarcha Aquilegiensis anno M. CC. LXVII. die quinta exeunte Augusto exivit captivitatem dicti Comitis Alberti Goritiæ, & conductus fuit Civitatem; procurato tamen per Ven. Patrem Wlotislaum Archiepiscopum Salspurgensem cum ipso Domino Patriarcha, dum erat in captivitate, & cum Foro-Julienfibus ex parte una, & cum dicto Comite ex altera, quod fuit per partes compromissum in ipsum Archiepiscopum, & Dominum Regem Bohemiæ, & postea confirmatum.

De interfectione D. Alberti Episcopi Concordiensis Vicedomini Patriarchæ.

M. CC. LXVIII. die III. intrante Julio mense ante Tertiam apud montem Medeam interfectus fuit Ven. Pater Concordiensis Episcopus, Vicedominus R. Patris Gregorii Patriarchæ; & quidam alii cum eo per insidias ei impositas per fautores D. Alberti Comitis Goritiæ.

De exitu Exercitus, & de destructione pontis Goritiam.

Dicto anno die Veneris V. exeunte Julio, exivit Gregorius Patriarcha Utino cum suo exercitu contra dictum Comitem. Et tunc die XII. Augusti destructus, & dirutus fuit pons Ifuntii prope Goritiam. Reversus est die penultima Augusti Civitatem; facto iterum Compromisso inter dictas partes.

De Conradino devicto.

M. CC. LXVIII. die XXII. Augusti in octava Assumptionis devicit Rex Carolus Conradinum, qui volebat Regnum Apuliæ.

De obitu Gregorii Patriarchæ.

M. CC. LXIX. die VIII. intrante Septembri, hora sexta, in Civitate Austria Gregorius Patriarcha Aquilegiensis obiit in Domino, qui exivit Patriarcha XVII. annis, X. mensibus, & XVI. diebus.

De electione Domini Ducis Carinthie in Capitaneum Forojulii.

Dicto anno die XIV. intrante Septembris, Nobilis Vir Voldricus, Dux Carinthiæ, electus fuit per Forojulienfes in Capitaneum Forojulii. Qui eodem anno die V. exeunte Octobri, mortuus est in Civitate Austria.

De electione D. Philippi in Patriarcham Aquilegiensem, & ejus cassatione.

M. CC. LXIX. exeunte Septembri, D. Philippus, frater dicti Ducis Carinthiæ, olim Archiepiscopus Salburgensis, electus fuit in Patriarcham Aquilegiensem. Sed privatus fuit per Summum Pontificem Gregorium X. & Curiam Romanam, eo quod electio Patriarchalis fuerat ante dictam electionem per Romanam Curiam interdicta. Qui

Tom. II.

cum, Apostolica Sede vacante, non confirmaretur; receptus fuit, salvo jure electionis Patriarchalis, in Capitaneum Forojulii. Et tunc die Jovis in festo S. Gervasii equitavit cum exercitu super D. Artuicum de Castello, fautorem Comitis Goritiæ, nomine Alberti; comburendo, & runcando bona sua ad burgum Castelli.

De grandi tempestate.

M. CC. LXX. in festo S. Vodalrici die IV. cecidit in Civitate Austria, & circa Civitatem grando grossior ovis gallinaceis multo: quæ fructus terræ, & arbores, atque frondes. & cortices abstulit: volatilia, & etiam quadrupedia, quæ reperit extra domos, interfecit, & etiam homines, ut ferebatur.

De Captione Civitatis per Federicum de Pinzano.

M. CC. LXXII. in Vigilia S. Matthiæ die Bifexti V. exeunte Februario, Federicus de Pinzano, qui tunc Vicarius erat D. Philippi Capitanei suprascripti in Forojulii, furtive tamen circa horam tertiam, jam dicta Miffa in Majori Ecclesia, armata manu intratis Civitatem Austriam, Dominis Johanne & Wodolrico fratribus de Portis ipsum introducentibus fraudulenter & quasi pacifice tanquam amicum Civitatenfium, eis dicentibus publice quod non veniebant causa mali; cepit Civitatem cum illis de Prata, & Purcilleis, & Villalta, ubi multorum abstulit bona: quosdam Utinum, quosdam alio ad suum beneplacitum transmittendo, & quosdam captivando: Carlucium Civitatenfem, & unum.... decapitando: Sophiam Floretæ comburendo, & volendo in alios decapitare; imposito eis, quod Terram dare vellent Forensibus. In captione Terræ nullus vulneratus fuit, nec percussus.

M. CC. LXXII. die Dominico VIII. intrante Majo, in aurora, captus fuit Burgus-pontis Civitatis per Forojulienfes fideles Ecclesiæ Aquilegiensis, & quosdam Theotonicos Domini Regis Bohemiæ, invidentes Federico de Pinzano, sicut dictum fuit, quia nullo defendente, vel læso intraverunt.

Eodem die supervenit Nobilis Vir Volricus Durnolz, Capitaneus Regis Bohemiæ, cum exercitu magno, hora vespertina; & obsederunt Civitatem.

Item eodem die cum Burgus-pontis captus fuit, dictus Federicus de Pinzano fecit comburi Burgum S. Petri, & Burgum S. Silvestri: & in nocte subsequenti dirui pontem lapideum Burgi S. Petri.

Die vero Sabbati sequenti Civitas data fuit dicto Capitaneo, & claves Civitatis ei assignatæ fuerunt in Ecclesia Sancti Stephani per D. Deralmum de Villalta, qui fautor D. Federici erat in Civitate, & per quosdam Civitatenfes.

De Fulgure.

M. CC. LXXII. in Vigilia S. Johannis de Junio percussit fulgur in quodam Monte apud Ifuncium; ita quod mons ardens pluribus diebus emisit fumum cotidie ad quantitatem domus ardentis.

De adventu Patriarchæ Raymundi.

M. CC. LXXIII. die XI. exeunte Decembri factus per Alexandrum (a) Papam, & Curiam Romanam, Ven. Pater Raymundus Mediolanensis, Episcopus Cumanus, Patriarcha Aquilegiensis. Venit autem in Forum-Julii, videlicet Sacilum, anno M. CC. LXXIV. die Jovis II. intrante Augusto;

(a) Gregorium X.